

天津府志卷之十一

古蹟志

附塚墓

左氏傳言地必溯軒轅少昊諸墟蹇叔於秦師之  
出指二陵為夏后文王之舊則古跡之重也太史  
公遷自序上會稽探禹穴其遺意哉郡雖新設而  
逆河海口可以溯隨刊豆子漂淪可以鑒興廢是  
稽古卽以証今不徒騷人學士為憑弔之助而已  
志古蹟

泉州故城

畿輔通志在府西北漢置縣屬漁陽郡

後魏省

詳地輿志

水經注清河東北至泉州縣北入滹

天津府志

卷之十一 古蹟

一

沱又沽河東南逕泉州縣故城東王莽之泉調也  
按畿輔通志武清縣又有泉州城在縣東南四十  
里元順帝嘗幸此記曰帝幸泉州是也又按武清  
縣志今縣治為元時所遷漢縣故城在縣東南四  
十里天寶初移雍奴縣治於武清今城東十里舊  
城在焉據此則有漢故城又有古武清城有元時  
所遷城有雍奴城及天津西北一城凡五城然據  
史魏併泉州入雍奴唐改雍奴為武清則雍奴卽  
武清矣其所謂城東十里舊城者若以城為武清  
城城東十里舊城為雍奴城則雍奴武清本無二

城若謂一爲泉州城一爲雍奴城則兩縣相去不應止於十里以諸志斷之武清只應有漢泉州一城雍奴一城卽武清城元所遷一城凡三城據漢書治水至泉州入海則泉州當在三岔河之北雍奴又當在泉州之北通志武清縣之泉州則當是漢之雍奴府西北之泉州則漢泉州耳存以備考可也角飛城 卽漂榆故城畿輔通志在府東水經注清河又東逕漂榆邑故城南俗謂之角飛城趙記石勒使王述煮鹽於角飛卽城異名矣

通志不同水經清河東北過漂榆邑酈道元曰漂榆故城趙記石勒使王述煮鹽於角飛是矣魏氏土地記高城東北百里盡漂榆卽此城也據史隋改漢高城爲鹽山據水經注清河由東光縣西又東北過南皮縣西又東北逕浮陽縣西歷濊邑北海又據史浮陽城卽清池故城今舊滄州故城也畿輔通志舊滄州城在今州城東南四十里鹽山縣在今滄州東南九十里則在舊城東南五十里水經注濊邑在章武城卽乾符城也方輿紀要在

今滄州西北八十里由此而下又歷鄉邑窮河乃至漂榆則漂榆去鹽山不止百里矣且水經注所謂泉州縣卽漢書沽水至泉州入海之泉州也所謂過濊邑北卽潭水篇所謂章武縣西故濊邑也今直沽爲泉州沽水草武沽水及衛河入海之地則漂榆津當在天津故禹貢錐指亦謂漂榆故城在靜海縣畿輔通志天津府東之說是也方輿紀要屬之鹽山悞

當城 方輿紀要在楊柳青北十里小直沽南三十里宋志之當城砦也成平中議者以北河可涉宜

天津府志

卷之十一

古蹟

三

有城守以備北邊詔築城其地謂之當城郭諡曰決黃河御河之水下注當城是也

軍糧城

天津衛志在城東南七十里畿輔通志元

海運時屯糧之所長蘆鹽法志周遭遺址尙存按畿輔通志載寶坻縣東南二百里軍糧城志稱五代時劉仁恭所作亦曰軍糧城蓋卽此軍糧城也今入天津界

黑堡城

畿輔通志在府西二十里地名稍直口

靜海古城

靜海縣志在縣南二十里

空城

河間府志在青縣西北十五里相傳楊景屯

兵處

蘆臺故城

河間府志在青縣境衛河之西南迤邐

三十二里唐於此置蘆臺軍遺址尙存太平寰宇  
記在青縣南乾寧軍本古蘆臺軍地其蘆臺故城  
在御河南七十步方輿紀要在青縣東衛河西岸  
九域志云在滄州西北九十里唐置蘆臺軍其城  
周三里後廢爲馮橋鎮乾寧中復置蘆臺軍亦曰  
乾寧軍光化三年幽州帥劉仁恭以滄州爲汴將  
葛從周所圍將兵赴救營於乾寧軍從周留別將  
守滄州若自將精兵逆戰於老鴟堤大破之五代

天津府志

卷之十一

古蹟

四

梁開平二年劉守文以其弟守光篡逆舉滄德討  
之軍於蘆臺爲守光所敗乾化三年晉將周德威  
攻燕拔其蘆臺軍後唐同光以後以契丹屢入寇  
蘆臺瓦橋皆增設重兵命將戍守天成二年蘆臺  
戍軍亂尋擊平之石晉初沒於契丹周顯德六年  
親征契丹命大帥韓通將前軍自滄州治水道入  
契丹境柵於乾寧軍南通奏補壞防開遊口三十  
六遂通瀛鄭旣而周王至乾寧契丹寧州刺史王  
洪舉城降宋白曰軍城東臨御河接滄幽三州  
境周世宗由此復關南自是常爲戍守重地

乾寧故城

畿輔通志今青縣治

蒲領城

明一統志在青縣

按畿輔通志漢蒲領故城在阜城縣又有蒲領城在魯城縣北六十里東漢黃巾之亂有蒲領人寓此立城因名又明一統志謂在青縣界特存之

浮陽故城

畿輔通志在滄州東南四十里本漢浮

陽縣隋改清池唐移滄州來治宋金元因之明省入州方輿紀要漢置浮陽縣為渤海郡治以在浮水北而名建武十五年改封平鄉侯歆為侯邑後復為縣後魏亦曰浮陽縣為浮陽郡治高齊因之

天津府志

卷之十一

古蹟

五

隋開皇十八年改為清池縣唐貞觀中增築宋熙寧初重修明永樂初屠城徙今州治

河間府志說同

按史前漢渤海郡治浮陽後漢移治南皮晉因之後魏滄州治饒安領三郡浮陽郡治浮陽渤海郡治南皮樂陵郡治樂陵隋改浮陽為清池又并浮陽渤海二郡為渤海郡治陽信唐為滄州景城郡武德六年徙治胡蘇貞觀元年復治清池宋金元因之則浮陽南皮陽信皆渤海郡治胡蘇清池則為滄州郡治不復有渤海名河間及滄州志槩以渤海郡治目之混矣今從前漢斷為浮陽故城又

自永樂初已徙滄州治長蘆則浮陽久爲舊城矣  
二志修於康熙初猶以今州城目之至長蘆廢縣  
第以轉運鹽使司治所爲說大誤

饒安故城

方輿紀要滄州東北七十里戰國時齊

邑史記趙悼襄王四年龐煇攻齊取饒安漢爲千  
童縣地屬渤海郡後魏屬渤海郡熙平二年置滄  
州治焉隋初郡廢大業二年改棣州爲滄州而饒  
安之滄州廢尋屬渤海郡唐武德初移縣治故千  
童城滄州亦徙治六年州移治胡蘇城貞觀十二  
年又移饒安縣治故浮水城仍屬滄州寶歷二年

天津府志

卷之十一

古蹟

六

武寧帥王智興討橫海叛帥李同捷其將李君謀  
絕河殘無棣降饒安壁是也宋仍屬滄州熙寧四  
年省爲饒安鎮

千童故城

畿輔通志在滄州東南漢置縣屬渤海

郡應劭云後漢改爲饒安宋省爲鎮元和郡國志  
饒安縣本漢千童縣卽秦千童城始皇遣徐福將  
童男女千人入海求蓬萊置此城以居之故名輿

地志秦築此城號卬兮漢因置千童縣河間府志

在鹽山縣東北水經注無棣溝又東南逕千童縣  
故城東又云千童城在樂陵縣東南史記建元以

來王子侯者年表曰一作千鐘元朔四年封河間  
獻王子劉陰爲侯國應劭曰靈帝改曰饒安也

浮水故城

方輿紀要在滄州東五十里本高城縣

地隋開皇十六年析置浮水縣屬滄州大業初省  
入鹽山縣貞觀中爲饒安縣治金志清池縣有新  
舊饒安二鎮浮水城卽新饒安鎮也

定縣故城

方輿紀要在舊饒安東南三十里漢縣

屬渤海郡武帝封齊孝王子越爲侯邑後漢時省

入饒安縣

河間府志  
作定城

五壘故城

方輿紀要在清池舊縣西南二里漢宣

天津府志

卷之十一

古蹟

七

帝封河間獻王子雍爲景成侯侯營別邑於此使

五子分居

中各築一壘因名南皮縣志昔名壘

城村漢河間王五子封侯處今尚有梳粧樓遺址

按河間府志謂五壘城在南皮城東五十里故南

皮縣志載入古蹟然據通志南皮五十里爲滄州

界則在南皮分界處

麻姑故城

畿輔通志在滄州北太平寰宇記漢武

東巡祠麻姑於此故名河間府志在清池廢縣界

重合故城

河間府志在滄州治東至樂陵縣五十

里本漢縣名屬渤海郡北齊省

乾符故城 畿輔通志在滄州東本隋魯城縣屬河  
間郡唐改爲乾符後周併入清池滄州志乾符故  
城在州東北八十里方輿紀要州東北八十里本  
浮陽縣地隋開皇十六年置魯城縣屬瀛州唐武  
德四年屬景州六年高開道掠幽薊以南至文安  
魯城將軍平善政邀擊破之貞觀初縣屬滄州乾  
符中生野稻二千餘頃燕魏饑民就食之因更曰  
乾符以年號爲名宋初仍爲魯城縣屬滄州尋廢  
爲乾符鎮又爲乾符砦金人亦曰乾符鎮

按方輿紀要又謂乾符本浮陽縣地其說似混據  
漢書渤海郡治浮陽北魏書浮陽縣爲浮陽郡治  
隋改浮陽縣爲清池唐書改魯城爲乾符畿輔通  
志後周併乾符入清池是乾符卽魯城魯城則漢  
章武縣魏書浮陽郡章武縣有章武城卽此若浮  
陽城則自爲清池方輿紀要舍漢章武而獨言後  
周併入之浮陽則混矣故刪之

參戶故城 方輿紀要在滄州城西北三里城中古  
有大樹謂之木門城春秋襄公二十七年衛侯之  
弟鱒出奔晉托於木門或以爲卽此城也漢置參  
戶縣屬渤海郡武帝封河間獻王子兔爲侯邑後



漢省入浮陽宋元符三年張商英請開木門以徒駭河東流卽此地云

按畿輔通志謂在青縣南元和郡國志謂在長蘆縣西北四十里輿地記云中有大樹故名木門總因城在青滄境上故諸說不同如此地輿表已詳其說

燕留城

畿輔通志在滄州東北方輿紀要括地志

云燕留故城在長蘆縣東北十七里史記燕世家莊公二十七年山戎侵燕齊桓公救燕遂北伐山戎而還燕君送齊桓公出境桓公因割燕君所至

天津府志

卷之十一

古蹟

九

地與燕燕君築此城名曰燕留也

南皮故城

方輿紀要南皮故城在縣東北八里志

云春秋莊公三十年齊桓北伐山戎繕修皮革因築城焉或曰秦末嘗置成安郡於此項羽聞陳餘在南皮因環封之三縣號爲成安君漢置南皮縣於此後漢建安八年袁譚袁尙相攻戰於鄴城門外譚敗引兵還南皮九年曹操攻袁譚拔平原譚走南皮臨清河而軍清河卽衛水也十年操攻南皮斬譚三國志曹丕爲五官中郎將射雉南皮皆此城也宋白曰南皮縣西去景州六十里縣北有

迎河河北有故南皮城卽漢渤海郡所理畿輔通志在今南皮縣北秦置漢屬渤海郡後漢爲渤海郡治晉及後魏因之後移於今治續通典南皮縣西去景州六十里縣北有迎河河北有南皮城卽漢晉渤海郡治史記齊桓公伐山戎至此繕修皮革因築焉河間府志故城在縣東北八里

高樂故城

方輿紀要高樂城在縣東南四十里漢

縣屬渤海郡各書皆名思鄉城亦曰西鄉城又臨樂城在縣南漢縣亦屬渤海郡武帝封中山靖王子光爲侯邑後漢省鄜道元曰臨樂更名樂亭

天津府志

卷之十一

古蹟

十

王莽時名也晉太康記樂陵國有新樂縣或曰卽故臨樂縣改置劉宋時亦置新樂縣屬樂臨郡後魏因之蓋郡縣皆僑置於青州高苑縣界非故城也畿輔通志在南皮縣東南董鎮村漢置屬渤海郡後漢省水經注無棣溝又東逕新鄉城北卽地理志高樂故城也太平寰宇記故城在縣東南三十里今謂之思鄉城亦曰西鄉城南皮縣志漢司馬師丹封侯俱此

北皮城

畿輔通志在南皮縣西北水經注清河又

北逕皮城東地理風俗記曰南皮城北五十里有

北皮城

平城

河間府志河間獻王子禮封國在今南皮縣

臨津故城

河間府志在南皮縣南五十里今名臨

津店

縣志云今爲村

宋熙寧六年省臨津縣入南皮方輿

紀要臨津城在縣西南六十里本東光縣地東魏

置胡蘇縣於此爲渤海郡高齊廢一云高齊置後

周廢隋開皇十六年復置胡蘇縣屬德州劉煦曰

縣置於胡蘇亭因名唐武德四年屬觀州六年改

屬滄州又移滄州治焉貞觀初滄州移治清池胡

蘇縣還屬觀州十七年州廢仍屬滄州天寶初改

天津府志

卷之十一

古蹟

二

爲臨津縣貞元二年改屬景州州尋廢還滄州天

祐五年仍屬景州五代時又改屬滄州宋初因之

熙寧六年省入南皮縣爲臨津鎮今日臨津店

柳縣故城

畿輔通志在鹽山縣東漢置屬渤海郡

後漢省水經注浮瀆又東北逕柳縣故城南太平

寰宇記故城在鹽山東七十里方輿紀要柳縣城

在鹽山縣東五十里漢置柳縣屬渤海郡武帝封

齊孝王子陽爲侯邑後漢省風俗記高城縣東北

五十里有柳亭漢縣也世謂之辟亭非矣又一統

志縣西北有章武城誤章武今見霸州大城縣河

間府志在鹽山縣東七十里本漢柳縣東漢省一名柳亭城又名柳邱屬渤海郡隋煬帝初與高麗戰頗敗其衆渠帥突地稽率其部降拜右光祿大夫居之柳城與邊人往來悅中國風俗請被冠帶帝嘉之賜以錦綺而褒寵之及遼東之役突地稽率其徒以從每有戰功賞甚厚十三年從幸江都尋放還柳城

高城故城 畿輔通志在鹽山縣南漢置屬渤海郡後漢曰高城隋更名鹽山水經注無棣溝又東南逕高城縣故城南太平寰宇記故城在鹽山縣南

天津府志

卷之十一

古蹟

十一

四十里方輿紀要在縣南六里漢縣治此劉煦曰舊在今鹽山縣南是也晉永和六年燕慕容雋以賈堅爲樂陵太守治高城卽此

郭堤城 續鹽山縣志在縣北七十五里又名合騎城漢公孫敖封合騎侯卽此

甘羅城 畿輔通志在鹽山縣東南三十里望樹鎮西南故址尙存

章武城 河間府志在鹽山縣西北本漢縣屬渤海郡東漢省晉爲章武國後魏置章武郡隋開皇初廢爲平舒縣

按其說方輿紀要非之蓋後魏章武郡西章武縣  
二城俱在東平舒今大城縣也其浮陽郡之章武  
本漢縣城在滄州卽乾符故城未嘗在鹽山也詳地

輿志

伏猗城 長蘆鹽法志在鹽山縣韓村北相傳猗蘆  
甚盛特築此城以防之也

無棣故城 畿輔通志在慶雲縣東隋置屬渤海郡  
唐屬滄州宋金元皆因之明廢慶雲縣志在縣東  
五里許週迴八里隱隱有四門卽齊無棣故墟隋  
唐宋元以來之舊縣也

津府志

卷之十一 古蹟

三

按方輿紀要古無棣城入海豐不知山東無棣爲  
元時分滄州無棣縣所置焉得有古城又河間府  
志載古無棣邑與此複刪之

荻苴城 慶雲縣續志在縣東接海豐縣界與無棣  
城相對覆蒲河界其中相傳爲龍且所據俗名龍  
且城方輿紀要邑志云在縣東城下舊有荻苴河  
直抵海豐漢武帝封朝鮮降將韓陶爲荻苴侯疑  
邑於此

按前漢書功臣表荻苴侯韓陶以朝鮮相將漢兵  
圍之降侯五百四十戶據此可知俗傳之誤或又

云龍且城言當時龍且所據考漢書韓信已定臨淄東追齊王項王使龍且將兵救齊進與韓信夾濰水而陣一統志曰濰水在安邱諸城界韓信與龍且夾濰水而陣卽在此與今地杳不相及也

興濟廢縣 方輿紀要宋清州范橋鎮地大觀初改置興濟縣金初屬滄州大定六年改屬清州元省尋復置屬清州明初改屬河間無城編戶十里

國朝順治六年廢爲鎮入青縣

餘詳地輿志

會川廢縣 河間府志在青縣境舊土城宋析永安縣置乾寧縣卽此大觀元年八月乾寧軍河清七

津府志

卷之十一 古蹟

十四

日改青州今廢諸司治所猶有存者方輿紀要今青縣治後周置永安縣宋曰乾寧熙寧六年省爲鎮元符二年復舊崇寧三年再省政和五年又復金人改曰會川元因之明初省

按志言大觀元年河清七日改會川爲青州附郭據金地理志會川本名乾寧貞元二年更名宋安得有會川特刪之

長蘆廢縣

畿輔通志今滄州治亦名幞頭城方輿

紀要在州治西北志云去舊州治西北四十四里漢爲參戶縣地宇文周大象中置長蘆縣并置瀛

河郡蓋以水傍多蘆葦而名隋初郡廢縣屬瀛州  
開皇十六年又置景州於此大業初州廢唐武德  
四年復置景州治焉旋陷於劉黑闥明年黑闥平  
復爲景州兼置總管府於此貞觀初州廢改屬滄  
州唐志舊永濟河西開元十六年移治河東太和  
三年李同捷據橫海叛詔諸軍進討盧龍帥李載  
義拔其長蘆天祐三年朱全忠攻劉守文於滄州  
自白馬渡河至滄州軍於長蘆宋仍屬滄州熙寧  
四年省爲鎮屬清池縣元遷州於此至正十八年  
山東羣盜毛貴等陷清滄二州據長蘆鎮時州未  
有城故仍以鎮爲名今城天順五年築

志

卷之十一

古蹟

五

章鄉廢縣

畿輔通志在滄州東南漢置屬渤海郡

後漢省太平寰宇記饒安縣東南二十里有章鄉  
亭蓋卽章鄉也

中邑廢縣

畿輔通志在滄州界漢置屬渤海郡後

漢省

平津故邑

方輿紀要  
曰平津鄉

河間府志在鹽山縣境漢屬

高城縣公孫弘封此

大留里

河間府志鹽山舊縣治此

橫海軍

河間府志唐以滄景德棣爲橫海軍開元

十三年滄州治西南置橫海軍使貞元三年復置  
橫海軍節度使領滄景二州治滄州永貞十三年  
以德滄棣州隸橫海節度使長慶二年橫海節度  
使復領景州太和二年橫海節度使增領齊州三  
年罷橫海節度使尋復置更號齊滄德節度使  
保順軍 金史地理志周置軍於滄州無棣縣南二  
十里開寶三年又以滄棣二州界保順吳橋二鎮  
之地益焉又云治平中徙無棣縣泊保順軍卽縣  
治置軍使

鬲縣城

河間府志舊墟在鬲津河壩慶雲縣志鬲

卷之十一 古蹟

六

津廢址漢析無棣置鬲津縣在鬲津河壩

廢山縣

河間府志索隱云在渤海

臨樂廢縣

河間府志入滄州

滄溟廢縣

河間府志元爲滄溟縣

范橋縣

河間府志宋爲范橋鎮本名范橋渡今俱

廢大觀時陞爲興濟縣

廢清州

河間府志元太宗二年改清州爲清寧府

寧州

河間府志五代時陷契丹置寧州周克復之

置永安縣

東鹽州

河間府志唐武德中置



據上條皆見舊志據隋分陽信置無棣漢陽信屬渤海鬲縣隸河間無分置之說詳地輿志舊唐書武德

四年竇建德分饒安置鬲津亦非無棣又鬲縣在

山東故城廢址安得在此又據畿輔通志臨樂即

臨津既載臨津不必復載臨樂渤海山縣不知所

指又元史地理志滄州領清池樂陵南皮無棣鹽

山五縣無滄溟之名則安有滄溟廢縣又宋史地

理志以范橋鎮為興濟縣而不名范橋縣又明改

清州為青縣未聞青縣治外又有廢清州又契丹

改乾寧軍為寧州周平三關置永安縣宋復置乾

天津府志

卷之十一

古蹟

七

寧軍則乾寧軍與寧州永安及今青縣一耳未聞

又有廢寧州又唐書地理志武德四年置州尋廢

仍為鹽山則州即縣治非於縣外別建州也姑依

舊志存之

海津鎮

畿輔通志

今府治元延祐三年置鎮至正

九年立鎮撫司續文獻通考元延祐三年置鎮命

副都指揮使伯顏鎮遏直沽

范橋鎮

金史地理志在會川縣

見上會川廢縣

長蘆鎮新饒安鎮舊饒安鎮乾符鎮郭疇鎮郭橋鎮

金史地理志在滄州橫海軍清池縣

分水鎮 金史地理志在滄州無棣縣

海豐鎮海潤鎮利豐鎮幞頭鎮 金史地理志在鹽

山河間府志海豐鎮在鹽山縣北九十里瓦礫成

嶺綿亘里許

馬明鎮 金史地理志在滄州南皮縣

舊縣鎮 方輿紀要在南皮縣東南三十二里或云卽

晉新樂舊治

雞籠鎮 河間府志在鹽山縣南

板達營 方輿紀要慶雲縣南二十里志云宣宗在

高煦時駐蹕於此

天津府志

卷之十一 古蹟

六

冶劍營 慶雲縣志在閻家務河壩鐵滓纍纍如邱

山相傳歐冶子鑄劍處 河間府志同

鐵匠營 河間府志鹽山縣鐵匠營在閻家務河壩

鐵滓纍纍相傳元海運時冶鐵處

按二說相似又並在閻家務而冶鐵之代不同此

似有傳會處姑依志並存之

傅家營 方輿紀要在鹽山縣南五十里又南接山

東海豐縣境舊置戍於此

乾符砦巷姑砦三女砦泥姑砦小南河砦 宋志作河今訛曰湖

宋史地理志滄州清池縣有乾符巷姑三女泥

姑小南河五砦政和二年改巷姑曰海清三女曰  
三河泥姑曰河平方輿紀要石晉以瀛莫歸契丹  
滄州之患益急周世宗復關南列營戍守宋承其  
轍有滄州八砦今見於志者此五砦

按宋史河渠志王亞以海口三女砦天所以限契  
丹則三女砦在今直沽海口泥姑砦則方輿紀要  
謂卽今之小直沽小南河砦在小直沽南十里海  
清砦在興濟縣東北

釣臺寨 方輿紀要在青縣北六里宋置砦於此設  
兵戍守又有獨流北獨流東二寨俱在縣境以濱

天津府志

卷之十一

古蹟

九

獨流河而名皆宋人所置金廢宋史地理志釣臺  
砦獨流北砦獨流東砦當城砦沙渦砦百萬砦俱  
隸清州乾寧舊縣

堅固砦 方輿紀要在青縣南唐太和二年李同捷  
據滄景叛易定節度使柳公濟討之奏拔其堅固  
砦唐書時同捷築砦於滄州西抗拒官軍以堅固  
爲名

曹公固 畿輔通志在南皮縣東南二里曹操因京  
兆雋不疑冢爲固以攻袁氏因名方輿紀要在縣  
東南二里舊志云漢青州刺史雋不疑冢也高五

丈有奇曹操攻袁譚因冢爲固故名

韓信壘

畿輔通志在慶雲縣南二十里與荻苳城

相對相傳韓信自趙下齊道經於此俗呼掛甲口

鳳凰臺

畿輔通志在靜海縣西五里

閱臺

畿輔通志在靜海縣衛河西四十里

釣臺

靜海縣志在靜海縣南相傳爲太公望釣魚

處名勝志宋時置砦於此

詳上

按畿輔通志有釣魚臺在南皮縣四十里相傳呂  
尚因棘津時釣此又謂釣臺在青縣北六里以今  
地輿考之當在青縣靜海界上

天津府志

卷之十一

古蹟

三

望海市臺

畿輔通志在滄州東四十里滄州志周

穆王乘八駿東遊海上築之以望海市故名

狼烟臺

滄州志周世宗築在長蘆縣內卽今州治

東文昌祠臺方輿紀要在滄州治東周世宗築此

以爲邊堠

歇馬臺

滄州志周世宗立遺址在舊城內

掠馬臺

長蘆鹽法志在滄州同居鎮

仙人臺

滄州志在惠民場西北舊有仙人對局棋

盤今無

燕友臺

畿輔通志在南皮縣北半里太平寰宇記

魏文帝與吳質等重遊南皮築此臺醮友故名又  
名射雉臺

石苞臺

畿輔通志在南皮縣南十三里

觀臺

畿輔通志在南皮縣東四里太平寰宇記袁

譚所築魏武擒譚於此南皮縣志又名袁侯臺舊

志誤以射臺當之立石其前更爲取京觀意大謬

封臺

南皮縣志在縣東五十里張二橋東古封鉅

所居

望海臺

畿輔通志在滄州東北方輿紀要一名漢

武臺魏氏土地記章武縣東百里有漢武帝臺南

天津府志

卷之十一

古蹟

三

北有二相去六十里基高六十丈俗云漢武東巡  
海上所築唐史貞觀十九年自高麗班師入臨渝  
關次漢武臺顧問侍臣對曰此是燕齊之士爲漢  
武求仙處實錄云漢臺餘基三成傍有祠室瑩域  
其地俯臨大海長瀾接天岸多峻石奇險錯列太  
宗刻石紀功而還

武帝臺

畿輔通志在鹽山縣東北七十里韓村鎮

東三十里此南臺也

疑卽望海臺今依  
畿輔通志兩存之

漢王臺

長蘆鹽法志晉時漢劉恢爲渤海王所建

延陵臺

畿輔通志在慶雲縣西南七里傍有季札

長子墓慶雲縣志俗名高墓臺家語延陵季子

於上國晉適齊其子死於羸博之間慶之東為羸西為博季

子取生不攜棺之義遂葬於此孔子聞之曰延陵

季子吳之習於禮者也往而觀其葬焉其歛以時

服而已其壙掩坎深不至於泉其葬無盟器之贈

既葬其封廣輪掩坎其高可隱也既封則季子乃

左袒右旋其封切號者三曰骨肉歸於土命也若

魂氣則無所不之無所不之而遂行孔子曰延陵

季子之禮合矣其後土人高季子之風歲加培築

乃巍然焉自春秋至今上下數千百年此臺故址

猶存雨淋風駛漸至卑下村民即基址構玉皇廟

嗚呼周封比干之墓漢置信陵君守塚者五家皆

異代仰其仁賢而嘉其高風今遽未能宜將玉皇

廟遷置他所當復崇其邱壝表其姓名將延陵季

子讓國之賢與葬其子之義書之於碑庶百世之

下猶得以指而名曰此延陵季子長男之墓

按小戴記檀弓云延陵季子適齊於其反也其長

子死葬於羸博之間註疏以為齊二邑又以羸在

泰山南近齊臨淄由臨淄返吳當葬於齊南不應

北葬於慶雲據漢地理志泰山郡有羸博二縣則

其墓當在其間縣志或因瀛州博野而傳會之耳

文星臺

畿輔通志在慶雲縣東南隅舊志高可遠

眺清曉見日出海爛然奇觀也

景星臺

河間府志在慶雲縣城北

峭帆亭

畿輔通志在青縣盧臺城中

漱江亭

青縣志在杈河之西

盟亭

方輿紀要在滄州南志云齊燕分界處二國

常結盟於此因名

遇士亭

畿輔通志在南皮縣西北三里相傳暴勝

之遇雋不疑處

天津府志

卷之十一 古蹟

三

觀瀾亭

慶雲縣志在鬲津南

秀野亭

河間府志在慶雲縣城東

望瀛樓

河間府志在滄州西門外舊志一州之觀

久廢

清風樓

畿輔通志在滄州晉泰康中建元薩天錫

錄囚駐節於此有清風樓詩

南川樓

滄州志在南關昊天觀後今廢

朗吟樓

滄州志在南關衛河之澣每至夏月郡人

多遊息宴樂於此

刁公樓

畿輔通志在南皮縣東南七十里一名何

書樓晉尚書刁協故居

慶雲館 河間府志在慶雲縣治

際槎軒 青縣志在東河岸久廢

香魚館 河間府志洪武二年吳文清自大留里移

鹽山縣居於此

將相鄉 畿輔通志在舊滄州東南有程家林以唐

程日華父子相繼居此故名

石崇宅 畿輔通志在南皮縣城內

王早居 南皮縣志在壘城村東今仍呼早王家

范丹居 南皮縣志在古皮城西蓋當年避黨錮之

府志

卷之十一 古蹟

二

禍因投棲於此

刁協世居 南皮縣志在東南七十里今名刁公樓

市鎮

高適故里 畿輔通志在南皮縣東南六十里今改

夜珠高家

魏家莊 畿輔通志在南皮縣西六里元至正年董

搏霄守長蘆屯兵於此 方輿紀要元至正十八年

董搏霄守長蘆屯兵魏家莊為山東羣盜毛貴所

襲戰死處也

竈兒坡 方輿紀要在定縣城東北百里居民於此



煮鹽爲業因名建文二年盛庸等遣將分兵屯滄州燕王曰滄州土城潰圯日久修之不易當乘其未備急攻之遂由通州至直沽謂諸將曰彼所備者惟青縣長蘆今博梁兒竈兒坡數程無水彼不爲備趨此可徑至滄州城下乃一日夜兼行三百里掩至滄州遂克之又有馬落坡在州東北二十五里元嘗置巡司於此

馬落坡 滄州志在城東北昔有巡檢司世傳小秦王逐鹿落馬處

南堂 河間府志在舊滄州東北一百三十餘步有

天津府志

卷之十一

古蹟

三

古碑仆地金大定十年建立字多缺落今攷殘文及詢故老以爲前代草木叢茂虎狼害人有一僧騎白驢云自西方來人以爲七佛祖師稱之曰聖賢能去虎狼之害後不知所終居人因立南堂奉祀又立中堂北堂以分祈禱多應或祭以生雞置廟中人不敢取物不能害生育成羣

白兔村 滄州志在城東周世宗出獵見白兔逐之未獲明永樂十六年鄉人龐喜得之以獻之

甘井 滄州志在舊城唐書地理志在清池縣舍令毛某母老苦水鹹無以養縣舍穿地泉湧而甘民

謂毛公井

五龍鄉 河間府志在南皮縣南五十里相傳有五龍見於此日有雲氣覆於上禱雨輒應

寒水井 南皮縣志在西南百步傳爲黃帝時穿之云伯益所修卽魏文帝沉李浮瓜處

古益井 南皮縣志在五龍岡下時現雲霧爲傳說所穿亦名覆益井

八角井 滄州志在件清池北天旱禱雨甚應

河倉 金史地理志有三一在清州會川縣一在滄州清池縣一在滄州南皮縣

府志

卷之十一 古蹟

三

鬲岸古樹 河間府志在慶雲縣西里許皮色如鐵枝曲折如虬龍狀陰可數畝蒼古離奇直出雲表中微有痕相傳唐宋時挽纜跡也

狼兒口 滄州志在城南四十里有大隄長五十餘里以防水患金大定以來軍民爭訟不決公議絕隄中斷立碑以杜爭端

信安灣 方輿紀要在天津西北卽漕河曲折處也明正德中畿輔賊劉六等犯天津守將賀勇遏之於此

尹兒灣

方輿紀要在天津城東永樂初建百萬倉

於此因築城置衛以貯海運今去城八里有運糧河舊海口達尹兒灣之運路也

窩子口 金史地理志明昌四年清州窩子口置靖海縣

劈地口 方輿紀要在小直沽東宋元豐四年河決入衛河李立之言須自決口相視河流至乾寧軍分入東西兩塘次入界河於劈地口入海

按河間府志有劈池謂李立之言河決乾寧軍劈池入海此於宋志無考當是訛地作池而傳會李說耳刪之

津府志

卷之十一

古蹟

三

三义沽鹽場 元學士王鶚碑燕京寶坻蘆臺越支昔日自生時以爲瑞遂建場  
詳藝文

合口 方輿紀要在滄州西水經注衡漳水過渤海建成縣又東左會滹沱別河故瀆又東北入清河謂之合口晉大元十三年後燕慕容楷等將兵會慕容隆於合口擊叛將張申於高城平之隆安二年魏拓跋珪得河北置行營於中山命拓跋遵鎮渤海之合口卽此

件清池 方輿紀要在舊清池縣東南十八里輿地

志浮陽縣大蓮淀北魏延興初淀水溢注破作清村因瀦爲池今名大梁五龍堂其流西踰東光東至海齊乘以爲古之胡蘇河也

按滄州志稱在舊州東南十五里魏延興初大蓮淀水溢注破作清村爲池又故老謂作龍注雨淋漓八日夜陷清池縣因建作龍堂砌八角琉璃井昔有白魚浮沉作龍狀每大旱禱雨輒應

蘆池 長蘆鹽法志在滄州分司公署前有池一方蘆葦甚茂中架木橋以通往來長蘆之名昉於此相傳宋包孝肅公爲轉運使時池中羣蛙喧沸公

府志

卷之十一

古蹟

二十六

示禁之至今蛙出池則鳴入池卽默其威懾之遠如此

老鴟堤 方輿紀要在青縣東南舊築堤於此防衛河泛溢以形似名汴將葛從周敗劉仁恭處也

神堤 河間府志在青縣南衛河堤上有柳數百株永樂間知縣王彬以河決盡沒民居痛不能救投水而死屍漂入縣甬道官民憐之遂置祠堤上名曰神堤

古堤

青縣志周迴城北西南三面

金隄

滄州志卽今衛河金人築元初復廣之

永濟隄 唐書地理志清池縣西北五十里有永濟  
隄二永徽二年築

永濟北隄 唐書地理志在清池縣三十里開元十  
六年築

明溝河隄 唐書地理志清池縣西四十五里有明  
溝河隄二永徽三年築

李彪淀東隄 徒駭河西隄 唐書地理志皆在清  
池縣西五十里永徽三年築

衡漳隄 唐書地理志清池縣西北六十里有衡漳  
隄二顯慶元年築

天津府志

卷之十一

古蹟

三

衡漳東隄 唐書地理志在清池縣西北六十里開  
元十年築

浮河隄 陽通河隄 唐書地理志皆在清池縣南  
十五里開元十六年築

長城堤 方輿紀要慶雲縣南四十里勢如岡陵舊  
志以爲齊之長城或云禹所築九河堤

陸公堤 在府城西門外

豆子航 地理通釋河間之豆子航今鹹水沽也東  
去海四十里地斥鹵廣數十里宋時置戍守於此  
按方輿紀要隋大業十二年河間賊帥格謙據豆

子航稱燕王王世充擊斬之隋書平原東有豆  
航負海帶河地形深阻自高齊以來羣盜多匿其  
中大業七年劉霸道聚眾於此又據括地志自渤  
海至平原其間濱海煮鹽之處土人多謂之豆子  
航則皆劉格匿迹之地可知矣

東堂堰 方輿紀要在青縣東北宋景德初知雄州  
何承矩請令滄州乾寧軍視斗門引潮入御河東  
堂堰以益唐水今皆湮廢

無棣溝 唐書地理志在清池縣西南五十七里方

輿紀要在慶雲縣南相傳春秋時卽有此溝分大

澤府志

卷之十一

古蹟

三

河支流東注於海隋開皇中因以名縣大業末溝  
漸填廢唐永徽初薛大鼎爲滄州刺史奏開之外  
引魚鹽海商駢至百姓歌曰新河得通舟楫利直  
達滄海魚鹽至向日徒行今騁駟美哉薛公滂澤  
被今湮

唐渠 唐書地理志有二一在清池縣東南二十里

注毛氏河一在縣東南七十里注漳並引浮水皆

刺史姜師度開

陽通河 唐書地理志在清池縣南十五里與無棣

河皆開元十六年開

獨流河 方輿紀要在青縣北舊志云黃御河支流自興濟縣北流經縣境又北流入於易水謂之獨流水九域志云乾寧軍北百二十里有獨流口五代周顯德六年親征契丹自乾寧軍御龍舟而北至獨流口泝流西至益津關是也宋熙寧九年高陽關言信安乾寧塘樂因獨流決口不收至今乾涸命有司相視元豐四年河決澶州小吳口北流入御河合西山諸水至清州獨流砦三叉口入海舊時河流甚盛其後黃御分流遂至淺塞

古黃河

河間府志在孟家店南去鹽山縣四十里

天津府志

卷之十一

古蹟

三

鹽山縣志由慶雲縣北入縣境崔家口由西達於海久淤無水傳係鬲津

漂榆津

畿輔通志在府東方輿紀要晉咸康四年

石虎擊段遼於令支使王華帥舟師十萬出漂榆

津清河自是入於海蓋與靜海縣接界

餘詳上角飛城

屯氏河

漢書地理志河水別出為屯氏河至章武

入海

按漢志塞瓠子後別出為屯氏後河徙鳴犢屯氏河絕水經大河故瀆北出為屯氏河逕館陶縣東東北出左瀆南宮縣西北注謂絳瀆右瀆經廣宗

縣故城南又逕界城亭武強縣賴津縣又有屯氏  
別河北瀆逕繹幕縣故城南東邑大河故又逕平  
原縣安陵縣遂絕北瀆又東北逕重合縣故城南  
又東入陽信縣今無水又東北流逕陽信故城北  
注謂東注於海又南瀆自平原東絕大河故瀆又  
逕平原故城北東北枝又出東北至安德縣界東  
會商河屯氏別河南瀆又東北經平原縣界又右  
枝津出安德縣遂絕南瀆首受大河故瀆東出亦  
通謂之篤馬河註謂篤馬河東北入海五百六十  
里俱不言章武方輿紀要吳橋縣有王莽河謂爲  
河至章武入海而章武海口卽今之直沽則屯氏  
河當在縣境但其地莫攷姑依漢志存之

迎河 方輿紀要在南皮縣城北卽衛河之支渠也  
〔水經注〕清河又東北經南皮縣故城西王莽名曰  
迎亭舊有迎河故瀆自縣境東流入清池縣界合  
於浮水今堙

毛河 方輿紀要在南皮縣南東北流入滄州界唐  
書地理志開元十三年自臨清縣南開毛河入清  
池縣以洩永濟渠之水也



李彪淀 方輿紀要在滄州西南十里舊爲鍾水虎  
三堂灤 方輿紀要在舊清池縣北宋史河渠志云  
滄州北舊有三堂等塘灤爲黃河所注後河收而  
灤塞程昉嘗請開琵琶灣引河水而功不成熙寧  
六年屯田使閻士良請堰水絕御河引西塘水灌  
之乃命士良專興修樸椿口增灌東塘淀灤今皆  
埋廢

漳河故道 方輿紀要在滄州西唐會要清池縣西  
四十里有橫漳隄顯慶元年築西北六十里又有  
橫漳東隄開元十年築舊漳蓋自阜城交河以東  
直至城西卽長蘆河也今故流多堙廢

府志

卷之十一

古蹟

三

中堂窪 在天津縣東南八十里靜海縣東一百一  
十里滄州西北百四十里境內荒葦叢集絕無人  
烟訪問邊界居民爲蝗蝻發生之地向屬滄州雍  
正九年戶部議中堂窪內有逆河一道河西屬靜  
海東南屬滄州東北屬天津立石分界

南堂窪 在滄州北去中堂窪四十五里有碑云興  
唐大定十年敬德修嘉靖二十三年重修

北堂窪 在天津縣西去中堂窪二十五里

堂河 西自靜海縣經南堂窪北至鹽灘

按此疑卽方輿紀要所謂三堂灤或訛灤爲產耳  
逆河疑卽宋志所謂黃河所注者蓋宋時河溢之  
道非禹迹也

九河故道 禹貢兗州九河旣道北過泲水至於大

陸又北播爲九河同爲逆河入於海 九河說詳  
天章志

爾雅九河徒駭太史馬頰覆釜胡蘇簡潔鈎盤鬲

津 郭璞註簡潔爲二河  
朱子孟子集註同 孔安國書傳河水分爲九

道在兗州界平原以北是孔穎達禹貢疏計禹九  
河云復其故道則名應先有不宜徒駭太史因禹  
立名或九河雖舊有名至禹治水更別立名鄭元

府志 卷之十一 古蹟 三

云周時齊桓公塞之同爲一河今河間弓高以東  
至平原鬲津往往有其遺處春秋絳寶乾圖云移  
河爲界在齊呂填闕八流以自廣鄭元蓋據此文  
爲齊桓公塞之也言闕八流拓境則塞其東流八  
枝併使歸於徒駭也漢書溝洫志許商云古記九  
河之名有徒駭胡蘇鬲津今現在成平東光鬲界  
自鬲津以北至徒駭其間相去二百餘里又王橫  
云往者天嘗陰雨東北風海水西南溢出寢數百  
里九河之地已爲海所漸矣邢昺爾雅疏九河之  
次從北而南旣知三河之處則其餘六者太史

頰覆釜在東光之北成平之南簡潔鈎盤在東光之南鬲縣之北也蔡氏書傳九河一曰徒駭二曰太史三曰馬頰四曰覆釜五曰胡蘇六曰簡潔七曰鈎盤八曰鬲津其一則河之經流也

欽定書經傳說彙纂漢世近古止得其三唐遂得其六歐陽忞輿地記又得其一或新河而載以舊名或一河而互爲兩說要之皆似是而非又云九河已湮漢唐以來諸儒就所見之斷港絕潢指爲某河某河是非不可知然河自大陸以北順勢下趨禹時九河自當在德州以上河間數百里之地余氏闕

津府志

卷之十二 古蹟

三

云自周定王時河始南徙而禹之故道失矣西京時河入千乘而無棣之間又播爲八漢人指以爲太史馬頰者偶合於禹迹故訖東都至唐河不爲害者千數百年名山藏徒駭等河故道皆在河間滄州南皮東光慶雲獻縣山東平原海豐寧津吳橋諸處直達東海通典九河四在景成二在平原其太史簡潔未詳畿輔通志漢世近古諸儒考據精博緯圖中候非盡無徵至許商以奉命行視圖方畧韓牧亦以能治河徵而或止得其三或僅求其四五則其餘之湮滅可知也唐宋以後去古寢

遠舊迹日湮而杜佑通典李吉甫元和郡國志歐陽忞輿地廣記樂史太平寰宇記於徒駭胡蘇鬲津之外又得馬頰鈎盤覆釜簡潔四河惟太史未詳所在千年以前求之而不得千年以後竟一一犂然有其處所此可信乎抑不可信乎蔡沈曰或新河而載以舊名或一地而互爲兩說皆似是而非無所依據斯言誠是然據許商所云三河旣實有其地而孔穎達亦云九河之次自北而南旣知三河之處則其餘六者當亦在成平東光鬲縣之南北今攷河間府交河縣東有成平故城東光縣

府志

卷之十一 古蹟

三

東有東光故城山東德州北有鬲縣故城皆漢縣也川原平行沮洳盈望九河舊迹要亦不離此域然或爲平疇或存枯瀆無論禹時故道不可復問卽漢世所謂三河者亦在有無斷續之間矣禹貢錐指林氏曰王介甫謂逆河者逆設之河並時分流也其意以同爲逆河句釋上文播爲九河之義如此則逆河卽是九河矣羅泌曰聖人於冀兗間逆設爲河以防暴至之患未至則不妨民耕旣至則不墮民舍程秘曰禹因地之形而逆設爲九河凡河之道則不見都邑不爲聚落不耕不收故謂

之逆河董鼎曰格言云逆河是開渠通海以  
之溢秋冬則涸春夏則泄此皆踵介甫之謬以  
河爲逆河而緣飾其辭也陳師道曰逆河者爲瀉  
水所逆行千餘里邊海又有潮河自西山來經塘  
泊按潮河一名界河在今靜海縣西北受滹沱易  
巨馬三水巨馬卽滹水合御河東至獨留口入海此河  
在直沽口西亦不得指爲逆河明邱文莊濬又言  
當於直沽入海之後依禹貢逆河法截斷河橫開  
長河一帶收其流而分其水以逆河爲橫絕之河  
承西漢之誤以上諸說總由不知渤海卽逆河而

天津府志

卷之十一

古蹟

三

求逆河於渤海之外遂愈求愈遠耳河間府志南  
皮縣九河故道渠岸尙存

徒駭

定書經傳說彙纂按今滄州之西交河之東北六十里

有徒駭卽漢滹池孔穎達禹貢疏徒駭是河之本  
道東出分爲八支李巡曰禹疏九河以徒衆起故

曰徒駭郭璞爾雅註徒駭在今成平

方輿紀要以徒駭歸獻縣

蓋本此

邢昺爾雅疏九河之次自北而南唐書地理

志在清池縣西五十里孫炎曰禹疏九河徒衆惕  
不成故曰徒駭孔氏云在滄州景成元豐九域志

在故滄州西北二十里元和郡國志在山東齊河縣景成齊乘河昔北流衡漳注之河既東徙漳自入海焉知北流之漳非古徒駭畿輔通志今漳漳沱之經行於瀛滄界者卽徒駭故道禹貢錐指今漳水自鉅鹿又北歷南宮新河冀州東鹿深州衡水武邑武強阜城獻縣交河青縣靜海大城寶坻至天津鎮注於渤海卽古徒駭河之故道今德平樂陵齊河濟陽慶雲海豐界有土河志以爲徒駭妄也徒駭最北豈反出爾津南哉河間府志徒駭故道在南皮縣北滄州志在廢清池縣西南三十里

卷之十一 古蹟

三

按九河故道數千年聚訟紛紛卽徒駭一河已人各異辭矣但據水經注淇水篇云淇水至東光縣西南會大河故瀆東北逕泉周縣入滹池又東逕漂榆邑入海漳水篇云衡水東逕建城縣故城南衡漳又東左會滹池別瀆又東北入清河謂之合口則衛河自東光以下行大河故瀆會滹池入海而漳水自合口以下又與衛河並行大河故瀆與漢地理志滹池卽徒駭之說可相參而得之漢志滹池至平舒入海蓋東平舒卽今大城縣未嘗瀕

海則所謂至平舒入海者蓋由平舒至章武入海  
今子牙河爲滹沱下流逕大城縣三角淀與水經  
注合則漢志及錐指說信而有徵矣若所謂成平  
滹池成平今獻縣畿輔通志滹沱入獻縣完固口  
分爲二支則漢志特據河水所經處言之非只謂  
滹沱第在成平也夫滹沱卽有三角淀入海則自  
三角淀入縣界至直沽其爲徒駭故道可知特贅  
此以備一說

太史 禹貢疏禹大使徒衆通其水道故曰太史郭  
璞爾雅註太史今所在未詳通典及蔡氏  
書傳說同元史地

府志 卷之十一 古蹟 三

理志太史在滄州南皮縣治北明李賢一  
統志說同齊乘清  
滄二州之間有古河堤岸數重太史等河當在其  
地方輿紀要在徒駭之東河間府志太史在古皮  
城南畿輔通志太史河自漢以上未知所在而忽  
得之于欽李賢自不足據禹貢錐指齊乘清滄之  
說庶幾得之

馬頰 郭璞爾雅註河勢上廣下狹狀如馬頰

欽定書經傳說彙纂山東濟南平原縣北有篤馬河東北

經陵縣德平商河樂陵諸縣界其流或斷或續相  
傳卽馬頰河元和郡國志在德州安德平昌二縣

東皇興表安通典在平原縣界太平寰宇記篤馬

德今陵縣

河即古馬頰河在棣州商河縣北輿地記即篤馬

河明一統志在東光縣界河間府志在南皮城南

慶雲縣志在縣東南白樂陵西十五里經縣分水

鎮至城東南隅入鬲畿輔通志九河之次自北而

南以地計之當在東光境內李賢之說似為得之

其篤馬在九河之南許商有明言何不一考耶樂

史蓋誤認唐之馬頰為古之馬頰耳元和郡國志

馬頰河久視二年開決亦名新河即上所引在蓋

安德平原者

此水即漢之篤馬河水經所云東北經安德縣故

澤府志

卷之十一

古蹟

旱

城又東北逕平昌縣故城北者故瀆久湮唐復開

名為馬頰所謂新河而被以舊名者也樂史不解

元和郡國志新河二字之義而指為九河之一其

謬甚矣禹貢錐指德州治安德所領有蓆縣太平

寰宇記云馬頰河逕蓆縣是也而又云篤馬河即

古馬頰河人皆斥其謬然唐自有馬頰河出澶州

新豐縣界東北流至平昌縣合篤馬河二水合流

並得通稱以篤馬為馬頰不可謂謬謬在一古字

指為九河之第三耳近志平原商河陽信界中並

有馬頰河皆唐之馬頰也



覆鬴 郭璞爾雅註水中可居住而有狀如覆釜李  
巡曰水中多渚往而虛形如覆釜方輿紀要鬴亦  
作釜通典馬頰覆釜在平原縣界又云安德縣有  
覆釜河

欽定書經傳說彙纂濟南府德州有覆釜河東北至海豐  
縣入海滄州志覆釜河在慶雲縣南二十里河間  
府志覆釜在南皮縣東南畿輔通志安德故城在  
今山東陵縣德平界與寧津相近意覆釜自陵縣  
歷寧津南皮而達慶雲乎

胡蘇 李巡曰其水下流故曰胡蘇胡下也蘇流也

天津府志

卷之十一 古蹟

四

孫炎曰水流多散胡蘇然漢書地理志勃海郡東  
光縣有胡蘇亭

郭璞爾雅註作東莞  
縣邢昺疏崇當作光

元和郡國志

胡蘇河在饒安縣西五十里太平寰宇記胡蘇河  
一名赤河其水赤渾色自臨津治逕饒安無棣入

海齊乘滄州南有大漣澱西踰東光東至海非胡

蘇河歟元史河渠志胡蘇河在慶雲縣西南河間

府志胡蘇在南皮西城下滄州志胡蘇河在慶雲

縣西南十二里慶雲縣志經縣分水鎮東北十二

里會鬲河入海明工部郎中楊旦請開東光慶雲

胡蘇河通海以洩衛河漲水疏下中止畿輔通志

今滄州卽唐饒安慶雲卽唐宋無棣寧津卽漢東光宋爲臨津縣今其縣西有胡蘇亭正班固所云在東光者太平寰宇記之言近之矣

簡 郭璞爾雅註水多簡易李巡云簡大也其水深而大也

欽定書經傳說彙纂河間府南皮縣城外有簡河史記正義簡在欠州歷亭縣齊乘滄州大漣澱南至西無棣縣有大河名曰沙河皆瀕古隄茲非簡潔等河歟元史河渠志在南皮城外十餘步輿地廣記在臨津方輿紀要簡在勃海河間府志在南皮城西

天津府志

卷之十一 古蹟

望

津縣 慶雲縣志在縣南三十里舊河間府志在滄州臨

按慶雲新志以南皮篤馬河爲簡河亦非臨津今寧津北與南皮接界謂簡潔在此理或有之

潔 郭璞爾雅註水多約潔李巡曰河水多山石治之苦潔潔苦也

欽定書經傳說彙纂河間府南皮縣城外有簡河潔河二河相去甚近金史地理志南皮縣有潔河元史河渠志簡潔在南皮城外方輿紀要在渤海與簡相近河間府志在南皮縣城西

按何喬遠名山藏河漕記云簡潔一水先儒誤分爲二此蓋指孟子集註言也據書經彙纂云孔穎達九河疏據郭璞爾雅註以簡潔爲二河朱子孟子集註因之曰簡曰潔分舉犁然蔡傳則據曾取之說合簡潔爲一河林之奇嘗辨之以爲九河勢均安得以一爲經八爲支派當從孟子集註爲正又畿輔通志云簡潔二河爾雅明列爲九晉唐宋諸儒紀載相仍蔡傳獨宗歐陽忞之說合之爲一未免穿鑿合從孟子集註爲二河

鈎盤 郭璞爾雅註水曲如鈎流盤桓也李巡曰鈎

天津府志

卷之十一

古蹟

望

盤言河水曲如鈎屈折如盤也太平寰宇記在樂

陵東南 皇輿表樂陵今武定州樂陵縣屬濟南府 從德州平昌來 輿地記通

同 典說

欽定書經傳說彙纂樂陵鈎盤河自平原德平二縣界流

入至海豐縣東南入海漢書地理志平原郡有般

縣 師古注九河之鈎般 後漢書公孫瓚傳瓚出軍屯盤河將

以報紹 註卽九河鈎盤之河其枯河在今滄州樂陵縣 水經注篤馬河故

渠川派東入般縣爲槃河蓋亦九河之一也元和

郡國志在陽信縣北四十里金史地理志樂陵有

鈎盤河元史河渠志在獻縣東南八十里禹貢錕

指般縣故城在今德平縣東北河在縣南二十里  
近志陵縣德平樂陵商河武定海豐陽信霑化界  
中並有鈎盤八枝自鬲津而外此河亦有可據齊  
乘曰東無棣縣北有陷河闊數里疑卽鈎盤河按  
此河自樂陵分爲南北二派海豐舊志云南派在  
縣南名鈎盤河東經霑化縣北又東至久山鎮入  
海新志云北派在縣西北三十里自慶雲流入又  
東北徑馬峪山前抵土河口入海今縣北盤河村  
當以此爲名蓋北派卽齊乘所謂陷河也或曰陷  
河卽篤馬河之別名許商云在九河齊乘指此以

天津府志

卷之十

古蹟

四

爲古鈎盤恐非然許商亦就上流言之耳安知篤  
馬下流非卽鈎盤之故道乎河間府志鈎盤在南  
皮縣西北慶雲縣志在縣西南自德平西北樂陵  
東南經縣南由海豐霑化至九山入海

鬲津

郭璞爾雅註水多峽狹可隔以爲津而橫渡

李巡曰河水狹小可鬲以爲津邢昺曰自鬲津以  
北至徒駭相去三百餘里漢書地理志平原郡鬲

縣平原當以爲鬲津

畿輔通志鬲津故城在今  
陵縣西陵縣唐安德也

欽定書經傳說彙纂德州西南有鬲津河東經吳橋寧津  
德平樂陵慶雲諸縣界至海豐大沽口入海元稹

郡國志鬲津枯河在縣南七十里河間府志古鬲  
津河在吳橋南亦名吳川又東逕寧津縣南又東  
逕南皮南與山東樂陵分水太平寰宇記樂陵縣  
鬲津枯河在縣西三里南皮縣志河在縣東南四  
十五里又東逕慶雲縣南金史地理志無棣有鬲  
津河又東北逕鹽山縣東南鹽山縣志河自慶雲  
北入鹽山界崔家口又東逕海豐入海滄州志在  
城南一百二十里俗呼老黃河方輿紀要鬲津在  
鈎盤之北通典在獻縣之廢饒安縣輿地記在無  
棣元史河渠志在慶雲縣又在樂陵縣西三十里

按古今陵谷變遷所在多有河又善徙禹迹茫茫  
雖日履大陸以下求所謂禹河者而志之恐疑信  
不免相參羣言淆亂固其宜耳况九河之名始於  
爾雅爾雅之作或以爲周公或云仲尼所增子夏  
所足叔孫通所益梁文所補今按其文如五方四  
極諸說旣荒邈如山海經九州之名又與禹貢周  
禮不符且霍山以爲南岳又漢武帝事則先秦以  
下雜湊之文不少矣豈九河之名遂可信爲禹之  
舊乎又九河之名螯嶠險僻與緯書曜魄寶靈威  
仰等名相似是皆三代後矜炫奇袤之作與禹貢

體制迥不相類秦漢人好立名色其習如此若以爲禹之所名斷不敢信也郭璞李廵就其名曲爲之解穿鑿牽紐不可爲訓孟子云不如無書信哉竊按孟子謂禹行所無事則當時治水之要不過因諸水現在注浥之方爲之疏而道之若必鑿孔穿渠如漢書鑿龍門辟伊闕析底柱破碣石諸說此數者所謂人功所造墮斷天地之性也何足爲行所無事嘗論六合之內本有天造地設境界如水源多發於西北東南注海有何人工可言又如江出岷山歷巴蜀之險與河之積石龍門大約相似而峽江以上未聞有鑿石開道者胡獨於河而或以爲鑿或以爲破至於九河胡獨不然禹貢之言九河也第謂之道孟子之言九河也第謂之疏則不過因勢疏濬非強鑿九河以激之行且按水經地道如桑乾漳衛白潞巨馬沙冶諸水俱世所謂巨浸視灘沮灘淄有過之無弗及而禹貢一書第載衡漳之名他水曾未之及豈桑乾諸水禹時尙微無待於治耶抑治之而經有闕文耶竊謂禹斷無平地鑿九河之理桑乾諸水斷無不治自安之理所謂九河者當卽從桑乾諸水中就其近河

者而分河水以寄之則言九河而諸水胥舉矣  
漳入河在九河未播之先故特言之今衡漳三水  
猶並行禹河故道則九河可知矣水經注不言滹  
沱者蓋因漢書徒駭卽滹沱故僅於河水篇序河  
之原委而已足也知徒駭之卽爲滹沱則太史以  
下又可知矣不但此也周禮大司徒川有衡澤有  
虞溝逆地防各詳其法九河大川必無闕塞及定  
王河徙至漢不過二百餘年豈有九河故道遂至  
湮沒卽不可復攷惜漢人舍桑乾諸水以別求其  
所謂九河故求之終不得其處後世愈求愈疑致  
衆說紛錯如此耳幸地理傳徒駭卽滹沱一語後  
之好古者猶得意會言之特存其說以待好古者  
決擇焉

### 逆河故道

河間府志靜海縣有逆河

雍正八年戶部咨逆河西屬靜海東南屬滄州東  
北屬天津卽今中堂窪地也在天津西南八十里  
河身由西北亘東南地勢微窪彷彿河形而已  
按書經彙纂云河自大伾而決鬻流移水陸變遷  
而泇水大陸九河逆河皆難實指然上求大伾下  
得碣石因其方向辨其故迹則猶可考其說是矣

然細考禹貢又參以漢書說則姑無論碣石之所  
在而逆河入海之在直沽則實有可據者蓋歷代  
疆域雖有紛更而漢書西北高東南下之說亘古  
不易禹貢諸水皆歸東南惟大河自大伾以下有  
北流漢溝洫志謂平地數敗廝二渠以引其河載  
之高地是也然亦由直沽在大伾之東北北雖高  
而北之東則卑其勢斜下故順也如今七郡三百  
餘水俱滙三岔海口其爲古燕南最窪之地亦明  
矣若謂河至系驪入海則當自今直沽口逆上北  
歷寶坻又東折至永平此禹貢雖指說夫人知其

天津府志

卷之十一 古蹟

吳

不能者又據漢地理志遼西郡如龍鮮封大凡十  
一水皆南入海古北平郡無終縣溇水且至雍奴  
入海水經注東潞水亦至雍奴入海雍奴海口今

直沽北寧河縣地也

元魏併漢泉州入雍奴唐改武清置寶坻縣國朝又分

寶坻置寧河縣

寶坻之水皆順而南直沽之河獨能逆而

北乎

有謂直沽至寶坻逆而北上故爲逆河此無所據且直沽逆上固可謂之逆若東折至永平則自西而東順之蘇子由云契丹之水皆南注

至矣何以槩謂之逆

於海地勢北高無北徙之道自今溯漢其說悉合

則三代可知矣况河必有故而後折龍門以下至

華陰而東折者水經注所謂華嶽當河河水過而



曲流也華陰以下至大伾又北折者卽前所引載  
之高地之說也若河趨直沽歸海之勢方盛旣無  
華嶽二渠何故又折而北又况大河轉折關係最  
重故大陸以上東折北折皆詳載之何獨於此二  
折省其文且也據禹貢九河在兗若逆河入海在  
絜爲冀州東境是錐指所謂中間相去太遼闊也  
况據爾雅兗州在東河之東則其境當以河身入  
海處爲限若至絜入海則絜縣海口以上西南數  
百里瀕海之地及海中諸島之近其地者俱當屬  
兗所謂島夷皮服者又何以第屬之冀州據韋昭

謂碣石淪海已去岸五百餘里或又謂今滄州北  
與平州接境

皇輿表平  
州今永平

相去五百餘里未淪於海

之前從海岸更五百里平地九河在此五百里中  
禹貢錐指又謂碣石負海當逆河之衝河自章武  
東出爲逆河逕驪城至絜縣碣石入海行三百里  
據此三說則似河自章武至絜縣碣石或直行向  
東或斜向東北不必北折至寶坻又東折至永平  
其道較順然按地形章武海口直東去永平海岸  
不過二百餘里如昭碣石去永平岸五百里之說  
則在章武東南禹貢北海入河由東向西以南爲

也又大陸東北至章武約七八百里九河去大陸亦不應如此之遠且據王橫言東北風海水溢西南則未淪之先章武絜縣原隔一渤海此渤海卽在東北五百里中河旣東北行則未至絜縣先入渤海何待至絜縣碣石入海况五百里之地不可謂不廣矣淪海至五百里其事不可謂不重矣古史如周譜等書並未言於何時所淪何地後之人亦不過以絜縣驪城當之不知邑之大小雖殊大約不外百里之限卽曰瀕海偏隅或出常限之外然斷無廣至五六百里者雖指有見於此故以三百里爲說然曰當衝旣非禹貢夾石之義况據永平西爲玉田又西爲薊州由章武東出先薊州玉田然後達於驪絜不當止言驪絜也又况據王橫云東北風海水溢西南夫東北則絜縣也西南則章武也海水所溢則南岸耳雖指亦自以爲南岸南岸則章武矣乃其說曰北岸所浸漢驪成絜縣數十里夫曰北岸旣與南岸之說不符曰數十里又與三百里之說不合總緣信古太過求之不得其故乃爲想當然說以濟之故其言多不足據

若介甫程泌諸君逆設之說又不足論矣要之當以漢書河水至章武入海之說爲是今天津則章武海口也

聖祖仁皇帝御製幾暇格物編曰天津爲逆河入海之地

信哉又天津縣志云按禹貢逆河自當以直沽爲

斷漢書沽水河水入海之處今據三岔河形勢

詳說

上地則禹迹可想見矣且河自定王時南徙數千

年來漸徙漸南未聞有徙而北者今中堂窪之河

在直沽之西南若以彼爲禹河之舊則今河沽入

海之地又從何時北徙至直沽耶又據漢書地理

天津府志

卷之十一

古蹟

至

志河水別出爲屯氏河至章武入海其故迹已不知所在則焉知中堂窪之河非卽屯氏河之舊後人誤指爲禹跡耶若據宋史黃河注三堂之說則三堂之河又爲宋河非禹河矣

碣石 慶雲縣志碣石又名馬峪山古屬無棣今折

海豐爲九河入海處

按志說畿輔通志常辨之謂大河一由東光縣歷南皮滄州青縣靜海而達於天津此西漢時大河入海之道亦卽北宋時合永濟渠入海之道一由寧津縣經南皮東歷鹽山慶雲而達海豐是爲北

宋時東流之道近有指東流爲禹河故道以海豐馬峪山爲碣石語多不經甚至謂善長南產不知北地高下按善長居范陽魏書有明文豈未之見耶此蓋爲縣志言之耳要之稽古者恃經與史觀水者有源與流禹貢大陸碣石在冀州九河在大陸之北河自龍門積石至大陸播爲九河同爲逆河入於海此源流之見於經者也漢書河水至章武入海宋志河合永濟渠注乾寧軍爲北流自魏恩至德滄入海爲東流此源流之見於史者也乾寧軍爲今青縣地滄州所隸雖廣而史以德州並

言則其所謂滄州者蓋指鹽山慶雲言之蓋海豐在大陸之東故謂之東乾寧軍在大陸之北故謂之北若禹河至海豐入海則當曰東不當曰北播爲九河又使碣石在兖則禹貢夾右碣石之文當在兖州不當在冀州且縣志第見漢書鬲津在鬲爲今山東境不知漢志明言徒駭卽滹沱由平舒入海豈亦得以海豐槩之况據禹貢碣石之上有逆河逆河之上乃有九河今縣志不問逆河所在第謂九河在齊地則碣石亦當在齊不亦妄耶又况所引秦皇刻碣石門則彼碣石以秦皇刻碣得

名與禹貢何與善長南產之說之謬又不必言矣  
按碣石之說不一天津縣志辨之甚詳其說曰漢  
書注臣瓚云禹河入海乃在碣石漢魏隋唐地志  
言碣石者多以爲綦驪城據禹貢導岍及岐至於  
荆山逾於河壺口雷音至於太岳砥柱析城至於  
王屋太行恒山至於碣石入於海此所謂碣石也  
然曰逾於河則不可以爲導河故孔安國傳第以  
百川言之至於導河則不言碣石惟冀州曰夾右  
碣石入於河則碣石明在禹河海口之右故臣瓚  
有河由碣石入海之說宋黃文叔因謂導河不言

碣石爲省文也然諸家之說本論碣石有不足爲  
禹貢之碣石證者據漢地理志右北平郡驪城縣  
有大碣石山遼西郡綦縣有碣石水元和郡國志  
謂在遼西郡臨渝縣又或謂在驪城隋地理志及  
通典文獻通考俱謂在盧龍唐地理志又謂在石  
城明一統志謂在昌黎孔穎達疏亦謂在驪城水  
經注同其說曰今枕海有石如堦宋本道數十里  
當山頂有大石如柱往往而見立於巨海中世謂  
之天橋柱又方輿紀要載郭造卿謂昌黎縣有仙  
人臺世謂之天橋柱地理今釋又謂今昌黎撫寧

杳無踪跡今有人自永平來者又多見天橋柱在海中人謂之碣石其說錯出如此至通釋謂有三碣石杜祐金仁山謂有左右兩碣石則又紛出不一矣其傳會爲禹貢之碣石者大抵不離漢書說據文頴云漢省棊縣入臨渝唐地理志謂石城本臨渝又謂盧龍軍有昌黎戍畿輔通志謂漢驪城唐爲石城又謂晉省臨渝爲肥如唐志又謂盧龍本肥如畿輔通志謂棊縣爲今昌黎驪城爲今樂亭則諸說俱本漢棊縣驪城言之但據畿輔通志樂亭昌黎東西相距只三十里烏得便有兩碣石

天津府志

卷之十一

古蹟

禹

據明一統志碣石山在昌黎西南五十里據畿輔通志昌黎西南六十里至樂亭縣界則碣石去樂亭只十里水經注又云碣石如甬道數十里則焉知不綿亘於兩縣境中就昌黎言則以爲在昌黎就樂亭言則以爲在樂亭其實只一碣石耳又秦本紀始皇遊碣石刻碣石門武帝紀元豐元年登碣石望海水經注漢武帝登碣石望海刻石地理志莽曰碣石據後漢書圓碣方碑蓋以石刻言則焉知莽不因秦漢石刻而名之况名始於莽烏足混爲禹貢之碣石且據漢志兩碣石下無河水入

海之文其言河水也第云至章武入海不及兩碣石又謂索縣官水南入海碣石水南入官使河由此碣石入海則碣石之水何以不入河而入官若據山海經碣石澠水東流入河則碣石又在大河海口之西與諸家說尤不相符則禹河不由此碣石入海明白甚矣或謂此當以水經注海中之說爲是卽如漢地理志索縣驪城明明有兩碣石元和郡國志以爲在臨渝或又以爲在驪城註兩存其說而不能決明一統志明謂碣石在昌黎今釋又謂昌黎杳無踪跡蓋惟山在海中故指之莫定

其方求之莫得其處耳其說似矣然水經注之說亦有可疑者如云今枕海有石似鄜時此石現在海岸人共見之且常見之矣繼又曰往往而見則仍與三神縹緲等耳末且曰漢世苞淪洪波則所謂枕海有石又何所指况所載三齊畧記秦皇見海神管子齊桓公見俞兒事其說近怪蓋善長習氣如此不可據爲典要也或又謂河水旣由章武入海則碣石當在章武漢書言章武不言碣石者此王橫所謂爲海所漸蓋漢世已無遺迹故不言也且碣石之在章武古亦有可據者據戰國策蘇

秦云燕東有朝鮮遼東南有碣石雁門之饒絜在燕東與朝鮮遼東等不得謂之南據漢書言河間在燕南是章武誠燕南也况魚鹽之饒古稱長蘆絜雖瀕海不及萬分之一自不應舍此以言饒鄭元謂此別一碣石在九門縣孔穎達謂驗九門並無此山則焉知不卽在章武海中况據史漢武帝登碣石望海地形志謂章武城有漢武帝臺水經注以爲漢武望海處今滄州臺基尙存則碣石又當在滄州海中其說亦是但茫茫海若無迹可求傳會言之與絜驪諸說何異若以理論禹貢明言天津府志

卷之十一

古蹟

五

碣石苟海岸實有此山則百家爭鳴當有實指所見以正之者何至千百年聚訟而莫之決且據戰國燕南有碣石漢志燕南不言碣石則淪海之說事或有之王橫昌言於朝班固筆之於史當非無據而云然要之自禹貢言則碣石不過在逆河海口之右其以禹河至碣石入海特臣瓚說原非確有所據也今姑無論碣石之所在但禹河旣由章武入海則碣石去章武當自不遠也

附塚墓

四烈墓

在府城西門外育黎堂右葬譚應辰妻



氏趙某妻裘氏阮奇玉妻諸氏金振妻丁氏傳詳列女

天津縣

寇公墓 在縣西五里士人得碑載云金故朝散大

夫行潞州涉縣特令騎都尉封上谷縣男食三百

戶賜紫金魚袋寇公之墓時大定壬午季冬志以下

青縣

萊平章墓 在縣南二十里萊村之北

杜將軍墓 在縣南七十里今鎮名杜林墓

李叅軍墓 在縣南衛河西李家淺舖之南

尹公墓 在縣西五里子任監察御史至正間立碣

天津府志

卷之十一 塚墓

五

曰奉順大夫禮部郎中飛騎尉會川縣男尹公墓

盤古墓 在縣南十五里

按河間府志云史冊首稱盤古其意特想像天地

定位時必有人啟之故由千百世後約畧而推宗

之耳乃青邑志書載其里居詳其塚墓夫以文字

未與制度未備五帝以來又何由誌棺槨於礧石

哉其誣民之說誠有不足採者第先民或本神道

設教以為人生於寅而會川適當析木之分特以

開闢之一人係之非確謂有其人并有其墓也

李進墓 在縣北古寧鄉進元河間路總管碑碣見

存以下靜海縣

李世和墓 在縣北里仁鄉世和元諸路新軍總管  
碑福見存

張紳墓 在縣北里仁鄉朝翰林學士劉璣撰志

趙武靈王墓 在舊滄州東南太平寰宇記州城東

南隅先有古墓高二丈唐貞元十三年增築外城

掘得銘云是六國時趙武靈王墓遂置祠云以下滄州

按趙世家主父餓死沙邱宮應劭曰武靈王葬代

郡靈邱縣據此則墓不應在滄州今依舊志存之

參戶侯墓 在州西北二十六里卽漢河間獻王子

天津府志

卷之十一

塚墓

五

程日華墓 程懷訊墓 在將相鄉俗呼爲程家林

唐德宗時俱爲滄州節度使

胡曾墓 在忠孝鄉曾爲漢南節度從事

高仁墓 在長蘆郭家砦之東原有清州高氏先德

之碑

尹吉甫墓 在縣西三十里高三丈以下南皮縣

雋不疑墓 在縣東南二里曹操攻袁氏因冢爲固

又名曹公固

包宣祖墓 在高樂廢縣城東

刁協世墓 在刁公樓

石... 在縣城西十二里... 北首有石... 墓

唐全紫光祿大夫檢校司空兼尚書左僕

中書門下平章事上柱國魏國公贈太傅

賈黃中墓 在縣城東

徐廷錫墓 在臨津店南明大學士李時銘

張璿墓 在城西北十六里審厥新莊東南

張淮墓 在縣西南明都御史張璿銘

湯賓墓 在縣東十里明修撰蕭良友銘

張謐墓 在西南三里明右通政滄州李觀光銘

鄭金墓 在城東南明吏部侍郎諸大綬銘

天津府志

卷之十一 塚墓

五

高瑞麟墓 在西關外

劉顯道墓 在縣西十五里明行太僕寺卿莊蒞民

銘

李騰鵬墓 在縣東南里許明尚寶司卿王嘉言銘

侯楹墓 在縣北竇家嶺謚忠端明刑部侍郎孟兆

祥銘

湯鉉墓 在祖賓墓側

國朝山東巡撫翰林秘書院學士劉芳銘

柴克振墓 在縣北三十里馮家口

黃家棟墓 在縣西三里原任戶科給事中莊憲

銘

張永譽墓 在城西南三里曾祖謚墓側戶科給事

中莊憲祖銘

柴堪棟墓 在父克振墓側邑令劉址銘

吳惟已墓 在縣南五十里虹縣知縣劉慶藻銘

湯裔振墓 在高祖賓墓側武城縣知縣石潤廣銘

侯堪墓 在縣北五里許張家口翰林國史院檢討

卽聖藍潤銘

侯幼鉉墓 在堪墓側吏科左給事中滄州劉大謨

銘

天津府志

卷之十一 塚墓

空

七女塚 在舊城南傳有生七女者死後女爲抱土

築墳因名 以下鹽山縣

宋家塋 在縣趙順里塋中多琢刻者世傳古有貴

戚葬此

劉稱墓 在舊城西北稱字君衡漢裔

太保墓 在帽架園忠肅公王翱墓也明成化二年

諭葬

許孝子墓 在城北許孝子莊去縣二十里年世莫

攷

延陵季札長子墓 在縣西南八里延陵臺側 說詳古蹟

以下慶雲縣

魏王豹墓 在縣城東四十里

李左車墓 在縣東北五十里

龍且墓 在縣東四十里

李愚墓 後唐中書侍郎同平章事墓在縣南一里

齊秉節墓 元棗陽副萬戶府墓在延陵臺側明初

有碑

甄公墓 明誥封西川左布政使墓在縣南四十里

實在沛縣寄籍祖墓在慶

胡欽墓 明山西左布政使墓在縣東偏南三十里

天津府志

卷之十一 塚墓

空

張問之墓 明四川兵備副使墓在縣南一里

陳光大墓 明承德郎東平州判官墓在縣西一里

楊粹夫墓 號靖節先生明玉田縣教諭墓在縣南

一里

王巍墓 號抱道先生明棗強縣教諭墓在縣南二

里

胡璜墓 號冲德先生明襄陵縣縣丞墓在縣西三

里

王者佐墓 明湖廣孝感縣知縣墓在縣東十五里

陳在庭墓 明山西太原興縣知縣墓在縣西半里

王定鼎墓 江西通判墓在縣東

義塚

天津縣有五一在西門外一里許五十餘畝明弘治六年立

一在西門外小稍直口路南明工部尚書王公施  
一在西門外砲臺南順治十四年天津道副使張  
湜施名漏澤園

一在西門外半里許二頃四十畝康熙四十六年  
天津道李發甲施

一在北門外河北迤西白衣寺后計地三十畝康

天津府志

卷之十一

塚墓

三

熙三十一年梅開傑施

青縣義塚

一在城北

一在城南

靜海縣義塚

滄州義塚

一在東門外

一在南門外

一在北門外

南皮縣義塚

一邑人張繼懋施六處

一知縣李正華施一處

一知縣藍再茂施三處

以上皆縣志未詳地址

### 鹽山縣義塚

一在城北邑厲壇左明嘉靖十一年邑令時尙儒

建

一在東門外貢生劉芳潤置

### 慶雲縣義塚

名掩骼岡在無棣城側舊志云宋進士李之純掩

骼以萬計